



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Abbatibvs, Abbatissis & aliis Ecclesiarum Praelatis Ecclesiae Neapolitanae
subjectis.

urn:nbn:de:hbz:466:1-20006

auribus est relatum, in Ecclesia tibi cōmissae stipendiis obtainendis, quod ini-
quum est & absurdum, imperiti magi-
stris, novi antiquis, rudes emeritis prefe-
runtur. Vnde Iohannes filius quondam
Comitis Aliern. Ecclesia tuae Clericis
plus potentia patris sui quam prædeces-
foris tui spontanea voluntate ultra vi-
ginti Ecclesias in civitate Neapolitan. &
in majori Ecclesia beneficium maximum
proponitur obtainere. Cū ergo in nul-
lius persona prætermittendum sit quod
in statutis generalibus continetur, fra-
ternitati tuae auctoritate præsentium in-
dulgemus ut non obstante appellationis
diffugio superfluitatem ad moderamen
reducas, non plus de redditibus ecclesia-
sticis Clerico præfato dimittens quam
apud unum de plus habentibus noscitur
residere; aliis omnibus beneficiis perso-
nis idoneis conferendis, que cū officiis
divinis inserviant, nondum adepta sunt
stipendia Clericorum. Nulli ergo &c.
concessionis &c. Datum Laterani Idibus
Novembbris.

*A.N. NEAPOLITANO
Archiepiscopo.*

Epiſt. 415.
Quod juramē-
num bonis mo-
ribus & iuri re-
pugnans non fit
collegitorum.
Cap. Ad nostrā.
De jurejor.

AD nostram noveris audientiam
pervenisse quod dudum à te quasi
per extorsionem tale fuit præstitum ju-
ramentum, quod in omni causa debe-
res ordinem judicariū observare. Ve-
rūm quoniam secundū traditiones ca-
nonicas manifesta accusatione non indi-
gent, nec in eis est ordo judicarius ob-
servandus, qui debet in aliis observari,
neque tu, quando sub præmisso tenore
jurasti, habebas in mente ut propterea
venires contra canonicas sanctiones;
(aliоquin non juramentum, sed perju-
rium potius extitisset, nec aliqua ratio-
ne servandum) nos juramentum tuum
benignius interpretari volentes, ita
quod consonet canoniciis institutis, fra-
ternitati tuae auctoritate præsentium
intimamus quod in manifestis & noto-
riis ratione juramenti præmissi non cre-
dimus te teneri servare * subtilitatem
ordinis judicarij, quam in his non ser-
vari per omnia ipsa quoque juris ratio
postulat & requirit. Vnde videbitur, nec
immerito, subtiliter intuenti de ordine
judiciorum procedere ut in præmissis
non per omnia ordo judicarius observe-
tur: quanquam & secundū approba-
tum intellectum scripturæ divinæ rectè

possit intelligi quod jurasti ut in omni-
bus causis ordinem judicariū observa-
res, in illis videlicet in quibus est ordo
judicarius observandus. Sic ergo faciens,
& juramenti tenorem servabis, & insti-
tuta canonica non omittes. Datum La-
terani XVIII. Kal. Decembbris.

*ABBATIBVS, ABBATISSIS
& aliis Ecclesiārum Prälatis Ecclesiā
Neapolitanā subiectis.*

CVm sacris canonibus caveatur ne
Abbatibus, Presbyteris, aliisque
ministris de rebus ecclesiasticis vel facro
ministerio deputatis absque permissione
ac subscriptione sui Episcopi aliquid alien-
are liceat, vel etiam obligare, non pos-
sumus non mirari quod, sicut nostro est
apostolatui reseratum, possessio[n]es Ec-
clesiarum donare, vendere præsumitis,
& locare, venerabili fratre nostro A.
Neapolitano Archiepiscopo nullatenus
requisito. Cū itaque cautum sit jure
canonico & humano ut quæ contra le-
ges fiunt, habeantur pro inutilibus & in-
fectis, universitati vestrae per apostolica
scripta præcipiendo mandamus qua-
tenus ab his quæ præmisimus desistentes,
bona Ecclesiarum, quarum conditionem
meliorem potestis facere, non pejorem,
nisi necessitas vel utilitas exegerit mani-
facta, & sine licentia præfati Archiepiscopi,
alienare in præjudicium Ecclesiarum
vestrarum nullatenus attentetis.
Alioquin eidem Archiepiscopo dedimus
in mandatis ut si aliter à vobis temerè
factum fuerit, auctoritate nostra & sua,
prout jus expostulat, decernat irritum &
inanum. Datum Laterani XVII. Kalend.
Decembbris.

*A.N. NEAPOLITANO
Archiepiscopo.*

Epiſt. 416.
Ne bona & res
Ecclesiā alie-
nentur.

SIcut nostris est auribus intimatum,
Ecclesia Neapolitana tanto premi-
tur onere debitorum, quod aliter libe-
rari non poterit, nisi de ipsis possessio-
nibus distrahat, quod tu occasione ju-
ramenti post consecrationem, sicut mor-
is est, præstisti, quo inter alia vendi pos-
sessio[n]es Ecclesiarum prohibentur, abique
licentia nostra facere non attentas. Nos
igitur attendentes quod hujusmodi sa-
cramenta sint ob favorem Ecclesiarum
introducta, nec in earum debeat retor-
queri lesionem, plenam de tua discre-
tione fiduciam obtinentes, ut pro Eccle-

Epiſt. 417.
Propter debita
Ecclesiā aliqua
vendere licet.

Hh iij